

UNIVERSITI SAINS MALAYSIA
Peperiksaan Semester Kedua
Sidang 1989/90

Mac/April 1990

HSA 101 Pengantar Sejarah

Masa: [3 jam]

Kertas Peperiksaan ini mengandungi LAPAN (8) soalan dalam EMPAT (4) muka surat.

Jawab EMPAT (4) soalan. SOALAN NO. 1 MESTI dijawab (dan jawapannya haruslah diserahkan berasingan), SATU (1) soalan daripada Bahagian A dan DUA (2) soalan daripada Bahagian B. Semua soalan membawa nilai markah yang sama.

BAHAGIAN A

1. Berdasarkan dokumen yang bertajuk "Merobah Dasar Penghidupan" (dilampirkan), apakah rumusan-rumusan yang boleh didapati dari segi asal usul dan tujuan dokumen itu.
2. "Sejarah adalah sebuah cabang ilmu yang tidak boleh dipisahkan dari penyelidikan". Bincangkan.
3. Jelaskan hal-hal yang sepatutnya diutamakan oleh ahli sejarah dalam pendekatan mereka terhadap soal penjelasan sejarah.
4. Sejauhmanakah anda bersetuju dengan pandangan Herbert Butterfield bahawa pengadilan moral adalah tidak relevan kepada penyiasatan sejarah dan asing kepada ruang intelek sejarah saintifik?

BAHAGIAN B

5. Sejauhmanakah Herodotus atau Thucydides berjaya menjadikan kajian sejarah sebagai suatu bidang pengetahuan yang bersifat saintifik?

.../2

6. "Tujuan pokok pengkajian para ahli sejarah Rom ialah menegakkan akhlak". Bincangkan.
7. Mengapakah Leopold von Ranke dikenali sebagai peneroka era baru pensejarahan Barat?
8. Bincangkan secara ringkas sumbangan Karl Marx kepada perkembangan pensejarahan.

DOKUMEN

MEROBAH DASAR PENGHIDUPAN

Tahun baharu yang kita hadapai sekarang, adalah tahun peperangan yang sudah dicadangkan oleh P.M. Tojo menjadi tahun kemenangan yang akhir dari peperangan ini. Tiap2 orang dari 1000 juta umat Asia Timur menyesuaikan kehidupan dan penghidupannya dengan kewajipan2 dan pekerjaan yang terkandung dalam cadangan chita2 yang maha besar itu. Dia meminta persiapan tenaga yang sepenuhnya untuk menghadapi peperangan yang maha dahshat dan berhabis2an sekarang ini.

Demikianlah kewajipan yang mesti dijalankan oleh tiap2 umat kita. Kebiasaan kita yang suka memilih pekerjaan yang ringan2 asal dapat menutup keperluan hidupnya sehari2, haruslah diubah dengan dasar hidup yang lebih giat dan bekerja kuat lagi, yang mendatangkan hasil yang lebih besar bagi peperangan sekarang ini. Dalam kenyataan baharu yang dikeluarkan oleh Pemerintahan Balatentera Nippon di Malai, ada diterangkan bahawa tujuan politik Gonsel dalam tahun baharu ini adalah terbahagi kepada 6 macham:

1. melipat gandakan pengiriman bahan2 peperangan ke Nippon.
2. memperbanyak pengeluaran barang2 makanan.
3. mengerahkan kaum buruh perempuan.
4. menarik balik wang yang berlebihan, supaya harga wang jangan turun.
5. menguatkan susunan baharu untuk saling menukar barang2 antara satu daerah dengan daerah yang lain, dan
6. menguatkan keamanan dan kesejahteraan.

Pemerintahan Nippon di Malai sudah menunjukkan langkah yang harus diturut oleh masing2 orang untuk merobah dasar penghidupannya. Untuk memperkuat tenaga peperangan, pemerintah sudah membenarkan berdirinya barisan Giyu Gun dan Giyu Tai (Askar Perkawalan), yaitu dua barisan untuk mempertahankan negeri ini. Tiap2 pemuda Melayu yang dalam tubuhnya sudah mengalir darah bakti dan berkorban untuk tanah air dan bangsanya, mestilah mendaftarkan nama memasuki salah satu dari barisan ini. Untuk berkhidmat kepada tanah air dan kerajaan, pemerintah membuka pula beberapa pekerjaan yang memberi kesempatan bagi bangsa kita akan mempersembahkan khidmat dan baktinya. Tiap2 laki2 yang kuat tubuh

anggotanya, haruslah menerima pekerjaan2 yang sepadan dengan kekuatannya, sedang pekerjaan mereka sekarang yang ringan2 akan diserahkan kepada kaum buruh perempuan. Begitu juga, untuk memelihara keselamatan ekonomi dan memperbanyak penghasilan makanan, pemerintah sudah membuka beberapa banyak tanah2 baharu dan hutan simpanan yang tidak dikerjakan dizaman dahulu, supaya ditanami dan dijadikan kebun2. Pembukaan tanah Endau bagi kaum China dan Bahau bagi kaum Serani, menjadi bukti akan chita2 pemerintah itu.

Merobah dasar penghidupan, dari pekerjaan yang ringan dan bersenang lenang kepada pekerjaan yang berat yang sesuai dengan tenaga kaum laki2, daripada pekerjaan yang hanya untuk kepentingan diri sendiri kepada pekerjaan yang menguatkan tenaga peperangan dan membantu masharakat, adalah menjadi kewajiban atas diri tiap2 umat kita. Satu chemeti yang amat penting ada disebutkan dalam Kenyataan yang resmi, bahawa kehidupan pemuda2 di Syonan masih banyak lagi yang suka ringan dan malas kerja, masih banyak berbuat pekerjaan yang mestinya diserahkan kepada orang2 yang sudah tua atau kepada perempuan.

Dasar penghidupan yang lama, harus kita tinggalkan. Ialah dasar yang hanya semata2 memikirkan diri sendiri dengan tidak mengingat kepentingan masharakat ramai. Insafilah akan panggilan zaman, ketahuilah bahawa peperangan yang habis2an sekarang ini meminta sepenuh2 tenaga dari seluruh anggota masharakat kita. Jika dasar hidup kita tidak berubah, masih tetap malas dan ringan sebagai tahun2 yang sudah, berarti kita melemahkan tenaga peperangan dari 1000 juta umat Asia Timur.

Marilah kita berpedoman kepada 6 tujuan yang diterangkan oleh pehak Gonsel sebagai di atas. Obahlah dasar hidup yang lama yang hanya memikirkan diri sendiri dan selalu menchari pekerjaan yang ringan, dengan pekerjaan khidmat dan berkorban bagi masharakat dan kerajaan. Tinggalkan chara penghidupan yang lama, dan pilihlah pekerjaan satu dari 3 macham diatas:

1. masuk dalam Giyu Gun atau Giyu Tai.
2. berkhidmat kepada masharakat dan kerajaan, dan
3. bertani untuk memperbanyak penghasilan makanan.

Zaman senang lenang sudah habis. Sekarang adalah zaman berkhidmat dan berkorban.

Fajar Asia, Januari 1944